



Møteprotokoll for Råd for menneske med nedsett funksjonsevne

Møtedato: 30.05.2022
Møtestad: Alver rådhus - kantina
Møtetid: 12:00 - 16:10

Det var felles orienteringsmøte for eldrerådet/RMNF i kantina kl. 12.00.

Frammøtte medlemmer	Parti	Rolle
Sølvi Gripsgård Knudsen	SP	Medlem
Else Marie Skartveit Dale	KRF	Medlem
Reidar Knutsen	SAFO	Medlem
Svein Arne Vabø	SAFO	Medlem
Liv Erstad	FFO	Medlem
Magne Bjørndal	FFO	Utvalsleiar
Jannicke Helland	FFO	Medlem

Forfall meldt frå medlem:	Parti	Rolle
Jan Arild Lindaas	SAFO	Medlem
Bente Orlen Westervik	FFO	Medlem

Frammøtte varamedlemmer:	Parti	Erstatter medlem
Edith Jørgenvik	FFO	Bente Orlen Westervik

Følgjande frå administrasjonen møtte:

Bernt Fjordheim-tenesteleiar Habiliteringstenester, Eirik B. Utne-tenesteleiar Kultur, Ingrid Raniseth-rådgjevar Planforvaltning, Kari Hesjedal-avdelingsleiar Forvaltningskontoret, Line Merete Valle-tenesteleiar Eigedomsforvaltning og Prosjekt, Rolf Raknes-fagleiar Plan og analyse, Ørjan Raknes Forthun-kommunaldirektør, Nora Gjerde-politisk sekretariat.

Sakliste

Saknr	Tittel
022/22	Godkjenning av innkalling og sakliste
023/22	Godkjenning av møteprotokoll
024/22	Detaljregulering for Holme- Offentleg ettersyn og høyring

- 025/22 Rullering - Anleggsstrategi for Alver kommune - 2020-2024
- 026/22 Kulturprosjekt - våren 2022
- 027/22 Etablering av helsefelleskap - overordna samarbeidsavtale og tenesteavtale 1
- 028/22 Revisjon av retningslinjer for følgebevis
- 029/22 Følgebevis ved utlån og utleige av kommunale bygg, anlegg og lokale
- 030/22 Byggeprogram - bufelleskap
- 031/22 Meldingar og orienteringar til RMNF - 30.05.2022

022/22: Godkjenning av innkalling og sakliste

Innkalling og sakliste vert godkjent.

Råd for menneske med nedsett funksjonsevne 30.05.2022:

Behandling:

Endring rekkefølge sakliste: Sak 030, 022, 023, 024, 027, 025, 026, 028, 029, 031/22.

Ellers ingen merknader, samrøystes

RMNF- 022/22 Vedtak:

Innkalling og sakliste vart godkjent.

023/22: Godkjenning av møteprotokoll

Møteprotokollen vert godkjent.

Råd for menneske med nedsett funksjonsevne 30.05.2022:

Behandling:

Møteprotokoll frå møte 02.05.2022 vert godkjent, samrøystes.

RMNF- 023/22 Vedtak:

Møteprotokoll frå møte 02.05.2022 vart godkjent.

024/22: Detaljregulering for Holme- Offentleg ettersyn og høyring

Kommunedirektøren sitt framlegg til vedtak:

Råd for menneske med nedsett funksjonsevne 30.05.2022:

Behandling:

Fellesframlegg v/Magne Bjørndal:

Slik prosjektet vert skildra i saksutgreiinga, kan ein med relativt enkle middel syta for at alle bueiningane vert universelt uforma. RMNF meiner det i den vidare prosessen må stillast krav om dette. Vidare må alle bueiningane ha tilgang til å lade elbil.

Framlegget vart samrøystes vedteke

RMNF- 024/22 Vedtak:

Slik prosjektet vert skildra i saksutgreiinga, kan ein med relativt enkle middel syta for at alle bueiningane vert universelt uforma. RMNF meiner det i den vidare prosessen må stillast krav om dette. Vidare må alle bueiningane ha tilgang til å lade elbil.

025/22: Rullering - Anleggsstrategi for Alver kommune - 2020-2024

Kommunedirektøren sitt framlegg til vedtak:

Alver kommunestyre godkjenner rulleringa av Anleggsstrategien, slik den ligg føre i saka.

Råd for menneske med nedsett funksjonsevne 30.05.2022:

Behandling:

RMNF støttar framlegget frå kommunedirektøren, samrøystes vedteke.

RMNF- 025/22 Vedtak:

RMNF støttar framlegget frå kommunedirektøren.

026/22: Kulturprosjekt - våren 2022

Kommunedirektøren sitt framlegg til vedtak:

Utval for oppvekst, kunnskap og kultur godkjenner tildeling av midlar til kulturprosjekt våren 2022 slik det kjem fram av saka.

Råd for menneske med nedsett funksjonsevne 30.05.2022:

Behandling:

RMNF støttar framlegget frå kommunedirektøren, samrøystes vedteke.

RMNF- 026/22 Vedtak:

RMNF støttar framlegget frå kommunedirektøren.

027/22: Etablering av helsefellesskap - overordna samarbeidsavtale og tenesteavtale 1

Kommunedirektøren sitt framlegg til vedtak:

Alver kommunestyre sluttar seg til framlegg til revidert Overordna samarbeidsavtale og Tenesteavtale 1 – overordna føringar for samarbeidsstruktur og samarbeidsformer i helsefelleskapet jamfør vedlegg.

Råd for menneske med nedsett funksjonsevne 30.05.2022:**Behandling:**

Orientering til saka v/Ørjan Raknes Forthun-kommunedirektør
Rådet har ingen merknader til saka, samrøystes.

RMNF- 027/22 Vedtak:

Rådet har ingen merknader til saka.

028/22: Revisjon av retningslinjer for følgjebevis**Kommunedirektøren sitt framlegg til vedtak:**

Utval for helse og omsorg vedtek framlegget til reviderte retningslinjer for følgjebevis. Aldersgrensa for tildeling av følgjebevis er 8 år. Unntak kan gjerast i særskilte tilfelle.

Råd for menneske med nedsett funksjonsevne 30.05.2022:**Behandling:**Framlegg frå Reidar Knutsen:

RMNF bed Alver kommune om å fjerne nedre aldersgrense for følgjebevis. Saksutgreiinga frå administrasjonen får ikkje fram at følgjebevis også er viktig for familiane. Sjølv om barn under 8 år oftast ikkje kan reise eller delta aleine, kan likevel situasjonen være veldig annleis for barn med nedsett funksjonsevne. Kanskje må begge foreldre være med dei to barna slik at ein kan gå av bussen med det eine barnet, ut av kinoen osv. når barnegråt,

annan støy, lukt, varme eller totalsituasjonen gir overbelastning - gå ut av køen når det blir uthaldeleg å stå der. Det kan bety noko økonomisk når begge foreldre alltid må være med, særleg sidan foreldra gjerne ikkje klarar å være i full jobb begge, når eit barn har betydeleg funksjonsnedsetting. Brukarorganisasjonane er samstemte om at aldersgrensa bør fjernast (ref. høyringssvar frå SAFO, FFO og Unge Funksjonshemmede i 2021). Om lag halvparten av barna bur i kommunar utan aldersgrense, sidan fleire av de store ikkje har dette, mellom anna Oslo, Trondheim, Drammen og Stavanger. I Vestland kan Alver heller være pådrivar enn å venta på Bergen i denne saka. Om aldersgrensa likevel ikkje vert fjerna, bør den i alle fall reduserast slik mellom anna Tromsø og Kristiansand har gjort. RMNF bed om at retningslinene vert språkvaska før ferdigstilling, f.eks. skrive "barn med funksjonsnedsetting" og ikkje "funksjonshemmede barn".

Framlegget vart samrøystes vedteke.

RMNF- 028/22 Vedtak:

RMNF bed Alver kommune om å fjerne nedre aldersgrense for følgjebevis. Saksutgreiinga frå administrasjonen får ikkje fram at følgjebevis også er viktig for familiare. Sjølv om barn under 8 år oftast ikkje kan reise eller delta aleine, kan likevel situasjonen være veldig annleis for barn med nedsett funksjonsevne. Kanskje må begge foreldre være med dei to barna slik at ein kan gå av bussen med det eine barnet, ut av kinoen osv. når barnegråt, annan støy, lukt, varme eller totalsituasjonen gir overbelastning - gå ut av køen når det blir uthaldeleg å stå der. Det kan bety noko økonomisk når begge foreldre alltid må være med, særleg sidan foreldra gjerne ikkje klarar å være i full jobb begge, når eit barn har betydeleg funksjonsnedsetting. Brukarorganisasjonane er samstemte om at aldersgrensa bør fjernast (ref. høyringssvar frå SAFO, FFO og Unge Funksjonshemmede i 2021). Om lag halvparten av barna bur i kommunar utan aldersgrense, sidan fleire av de store ikkje har dette, mellom anna Oslo, Trondheim, Drammen og Stavanger. I Vestland kan Alver heller være pådrivar enn å venta på Bergen i denne saka. Om aldersgrensa likevel ikkje vert fjerna, bør den i alle fall reduserast slik mellom anna Tromsø og Kristiansand har gjort. RMNF bed om at retningslinene vert språkvaska før ferdigstilling, f.eks. skrive "barn med funksjonsnedsetting" og ikkje "funksjonshemmede barn".

029/22: Følgjebevis ved utlån og utleige av kommunale bygg, anlegg og lokale

Kommunedirektøren sitt framlegg til vedtak:

Alver kommunestyre legg til grunn at følgjebevis skal akseptrast ved arrangement som finn stad i kommunale bygg, anlegg og lokale.

Råd for menneske med nedsett funksjonsevne 30.05.2022:**Behandling:**

Ingen merknader, samrøystes.

RMNF- 029/22 Vedtak:

Ingen merknader.

030/22: Byggeprogram - bufellesskap**Kommunedirektøren sitt framlegg til vedtak:**

Kommunestyret vedtek byggjeprogram for nytt bufellesskap for menneske med utviklingshemming slik det ligg føre i saka.

Råd for menneske med nedsett funksjonsevne 30.05.2022:**Behandling:**

Line Valle-tenesteleiar Eigedomsforvaltning og Prosjekt, og Bernt Fjordheim-tenesteleiar Habilitering orienterte og svarte på spørsmål.

Framlegg frå Reidar Knutsen:

RMNF kan ikkje støtta bygging av bufellesskap for 5-6 bebuarar i Skarsvegen 29. Tomta synest lite eigna for bufellesskap, og det er ikkje ei god løysing å samlokalisera bebuarar med dei utfordringane administrasjonen beskriv. Bustadar for menneske med utviklingshemming bør ligge i normale bustad-miljø med utsikt og lys, gjerne sentralt, og i alle fall ikkje ha institusjonspreg. Om ein bebuar treng spesiell skjerming, bør det løysast gjennom lokalisering og tilpassing innanfor eit normalt bustad-miljøet. Ein bør ikkje samlokalisera mange bebuarar med utfordrande åtferd og behov for skjerming. Kanskje er einebustad då det beste, i alle fall ikkje saman med nokon som er sensitive mot lyd eller kan bli ekstra redde og usikre ved utfordrande åtferd frå

naboane. Det er mykje viktigare å sikra ei god løysing for bebuarane som gjerne skal bu der resten av livet, heller enn å følge opp det administrative vedtaket frå Lindås kommune om å kjøpa Skarsvegen 29, og påstandane om stordriftsfordelar og om at alternative vil gje betydeleg utsetjing. NFU har heile tida våre imot bufellesskapet i Skarsvegen 29, og forking tilbakeviser påstandane om stordriftsfordelar og sosiale fordelar ved store bufellesskap. Dersom ein mindre sentral lokasjon likevel blir valt, rangerer RMNF Kvamsvegen høgast, framfor Moldekleiv.

Under avrøystinga vart framlegget frå Reidar Knutsen sett opp mot kommunedirektøren sitt framlegg:

Framlegget frå Reidar Knutsen vart vedteke med 6 røyster (Sølvi Knutsen-Sp, Reidar Knutsen, Magne Bjørndal, Liv Erstad, Edith Jørgenvik, Svein Arne Vabø) mot 1 røyst (Jannicke Helland). Else Marie Dale-Krf tek saka til orientering.

RMNF- 030/22 Vedtak:

Uttale i RMNF - 30.05.2022:

RMNF kan ikkje støtta bygging av bufellesskap for 5-6 bebuarar i Skarsvegen 29. Tomta synest lite egna for bufellesskap, og det er ikkje ei god løysing å samlokalisera bebuarar med dei utfordringane administrasjonen beskriv. Bustadar for menneske med utviklingshemming bør ligge i normale bustad-miljø med utsikt og lys, gjerne sentralt, og i alle fall ikkje ha institusjonspreg. Om ein bebuar treng spesiell skjerming, bør det løysast gjennom lokalisering og tilpassing innanfor eit normalt bustad-miljøet. Ein bør ikkje samlokalisera mange bebuarar med utfordrande åtfærd og behov for skjerming. Kanskje er einebustad då det beste, i alle fall ikkje saman med nokon som er sensitive mot lyd eller kan bli ekstra redde og usikre ved utfordrande åtfærd frå naboane. Det er mykje viktigare å sikra ei god løysing for bebuarane som gjerne skal bu der resten av livet, heller enn å følge opp det administrative vedtaket frå Lindås kommune om å kjøpa Skarsvegen 29, og påstandane om stordriftsfordelar og om at alternative vil gje betydeleg utsetjing. NFU har heile tida våre imot bufellesskapet i Skarsvegen 29, og forking tilbakeviser påstandane om stordriftsfordelar og sosiale fordelar ved store bufellesskap. Dersom ein mindre sentral lokasjon likevel blir valt, rangerer RMNF Kvamsvegen høgast, framfor Moldekleiv.

031/22: Meldingar og orienteringar til RMNF - 30.05.2022

Kommunedirektøren sitt framlegg til vedtak:

Meldingar vert tekne til orientering.

Råd for menneske med nedsett funksjonsevne 30.05.2022:

Behandling:

Orienteringar 1-6 som vart gjevne i fellesmøte med Eldrerådet:
Eirik B. Utne-tenesteleiar Kultur orienterte og svarte på spørsmål i orienteringane pkt. 1.,2. og 3.

1. Følgjebevis ved utlån og utleige av kommunale bygg og anlegg, knytt til sak 029/22.
2. Rullering – anleggsstrategi for Alver kommune – 2020-2024, knytt til sak 025/22
3. Kulturprosjekt våren 2022, knytt til sak 026/22
4. Detaljregulering for Holme – offentlig ettersyn og høyring, knytt til sak 024/22 v/Ingrid Raniseth, rådgjevar Planforvaltning
5. Revisjon av retningslinjer for følgjebevis, knytt til sak 028/22 v/Kari Hesjedal-avdelingsleiar Forvaltningskontoret
6. Orientering om status for teleslynger i offentlege bygg v/Line Valle-tenesteleiar Eigedomsforvaltning og Prosjekt
7. Line Valle-tenesteleiar Eigedomsforvaltning og Prosjekt svarte på spørsmål i saka om vegbommer på sidevegar der avstand mellom bommene er for liten slik at store rullestolar ikkje kjem seg gjennom.
8. Orientering om status for arbeidet med Kommunedelplan Oppvekst med vekt på arbeidet med delmåla i planen v/Rolf Raknes-fagleiar Plan og analyse
9. Svein Arne Vabø sette fram eit spørsmål om parkeringsplassen for rørslehemma/HC-bil ved helsehuset. Det er kun 3 parkeringsplasser i oppoverbakke, kan desse flyttast til ein flat veg? Line Valle-tenesteleiar for Eigedomsforvaltning og Prosjekt takka for godt tips og lova å ta saka vidare.
10. Leiar orienterte om at det er Fylkessamling for råd for menneske med nedsett funksjonsevne den 6.-7.oktober i Bergen. Kvar kommune kan sende 2 personar, konferansen vil i tillegg verte streama.

Rådet kjem med følgjande uttale under punkt 7:

Rådet ønskjer status/oppdatering i saka innan utgangen av 2022.

Meldingar vert tekne til orientering, samrøystes.

RMNF- 031/22 Vedtak:

Meldingar vart tekne til orientering.